

# **Statuts da la Società da chatschaders Turettas**

BKPJV - Val Müstair

## **I. NOM**

### **Artichel 1**

Suot il nom TURETTAS exista üna società secziun Turettas tenor Art. 60 ff. ZGB. Il sez da la secziun es adüna il lö dal president.

## **II. Böts**

### **Artichel 2**

La società TURETTAS ha per böt da sustegner ils interess dals chatschaders da la chatscha da patenta sül territori dal cumün da la Val Müstair, da mantegner ün san numer da sulvaschina e da promover e sustegner las decisiuns dal BKPJV.

Daspera dess gnir promovü l'amicizcha tanter ils commembers. La società metta a disposiziun l'implant da tir per promover la rutina da trar. Ella maina tras minch'on üna exposiziun da trofeas per rinforzar la cugnuschentscha da la sulvaschina sco eir min. 2 dis da chüra.

### **Artichel 3**

La secziun es commember da la società chantunala dals chatschaders da patenta (BKPJV) implü dal district 9 dal BKPJV.

## **Artichel 4**

Per manar la secziun e las differentas lavurs vegnan trat aint dals commembers contribuziuns chi vegnan fixadas minch'on a la radunanza generala. Insembel culla conribuziun tira aint la suprastanza dals commembers A eir las contribuziuns da la società chantunala BKPJV e paja aint quellas. Implü vegn trat aint la contribuziun pel cudeschin «chatschader grischun» e paja aint quel al BKPJV.

## **III. Commembers**

### **Artichel 5**

Quel chi vuol gnir commember da la società TURETTAS sto s'annunzchar in scrit pro la suprastanza fin als 31 avuost da l'on curraint. El as sto anunzchar cul formular sùlla hompage da la società. Els vegnan tuts sù sco commembers pro la prosma radunanza generala. La società TURETTAS cugnuoscha il seguaints commembers :

- Commember A (activ)
- Commember B
- Commember C (passiv)
- Veterans
- Commembers libers
- Commembers d'onur
- Candidats

Commember A : po dvantar mincha persuna chi accumulscha al mumaint d'entrada las cundiziuns per aquistar la patenta da chatscha i'l chantun Grischun e chi nun es in ün otra secziun commember A. Ella ha il dret da vuschar in affars da la società TURETTAS sco eir dal BKPJV.

Commember B : po dvantar chi chi'd es commember A in ün'otra secziun. Els han il dret da vuschar in affars da la società TURETTAS.

Commember C : pon dvantar personas chi nun han il permiss dad ir a chatscha o chi han be abunà la gazetta da chatscha. Els sun commembers passivs o fautors e nun han ingün dret da vuschar. Els pon pero tour part a las activitats da la società TURETTAS. Veterans : commembers chi cumplischan 60 ons i'l decuors da l'on curraint e chi fan part activmaing da

la società chantunala daspö almain 25 ons sco commember A (sainza interrupziun) dvaintan veterans. Els survegnan l'insaina d'onur, nu sun pero dispensats da la contribuziun statuaria.

Commembers libers : commembers chi cumplischan 75 ons i'l decuors da l'on curreint e chi fan part activmaing da la società chantunala daspö almain 25 ons sco commembers A (sainza interrupziun) dvaintan commembers libers. Els sun dispensats da las contribuziun statuaras, ma han tuot ils drets dals commembers.

Commember d'onur : persunas chi han acquistà gronds merits per la chosa da la società TURETTAS pon gnir elets da la radunanza generala sco commembers d'onur e sun deliberats da las contribuziun statuaras.

Candidat : persunas chi's han anzunchà aint il chantun pel examen da chatscha pon gnir tut sü sco commember candidat. Els nun han ningün dret da vuschar illa secziun ed il BKPJV. Els nu pajan ningüna contribuziun. Dalunga cha'l candidat ha raggiunt l'examen vegn el automaticamaing commember A. Mincha commember survain gratuit l'insaina da la società.

Üna sortida vegn in dumonda pro müdamaint da domicil, per entrar in ün'otra società, our da libra voluntà o tras exclusiun (vair art. BKPJV). L'exclusiun da commembers po be decider la radunanza generala.

## **Artichel 6**

Ils organs da la società sun :

- La radunanza generala
- La radunanza extraordinaria
- La suprastanza
- Ils revisuors da quint
- Ils delegiats dal BKPJV
- La gruppa da punctaziun
- La gruppa da corns

## **IV. Organisaziun**

### **Artichel 7**

La radunanza generala ha lö minch'on fin il plü tard als 15. favrer. La radunanza vegn bannida tras invid persunal o tras invid sülla homepage da la società cun indicaziun da las tractandas. La radunanza generala tratta ils seguaints affars :

1. Approvaziun dal protocol da l'ultima radunanza (vain puplichà sülla homepage)
2. Admissiun ed exclusiun da commembers, decider supra commembers onuraris
3. Rapport annual dal president
4. Rendaquint annual e rapport dals revisurs (in scrit)
5.
  - a) Rapport dal schef da la gruppa da corns
  - b) Rapport dal guardiasulvaschina
  - c) Rapport dal schef da chüra
6. Tschernas
7. Fixar la contribuziun annuala
8. Program da lavur
9. Varia

Propostas dals commembers a man da la radunanza da delegats o per la cumischiun da las prescripziun da chatscha sun d'inoltrar in scrit fin als 15 schner a la suprastanza. Propostas chi vegnan fattas a la radunanza generala pon be gnir trattadas scha 2/3 dals preschaints sun perinclets.

### **Artichel 8**

La suprastanza bannischa tenor bsögn üna radunanza extraordinaria e la radunanza da prümavaira per decider sur da las propostas per la delegiada dal BKPJV. Mincha radunanza publichada o convochada tras invid persunal es competente da decider.

## **Artichel 9**

Cun 25 suottascripziuns da commembers da la società po gnir pretais da tuots temps üna radunanza. La pretaisa sto gnir inoltrada in scrit ed a temp agiundschand la glista da tractandas e la glista cun las suottascripziuns a la suprastanza. La suprastanza organisescha la radunanza.

## **Artichel 10**

Mincha decisiun da la radunanza es impegnativa per tuot ils commembers.

## **Artichel 11**

La suprastanza consista our da 7 commembers . Els vegnan elets per üna perioda da 4 ons e sun reelegibels per ulteriurs 2 o 4 ons. Id es dad evitar cha tuot la suprastanza müda al listess mumaint.

La suprastanza as cumpuona our dal president, actuar, chaschier, chef implant, chef da punctaziun, chef da chüra ed ün delegà.

Il guardia sulvaschina piglia part a las sezzüdas da la suprastanza tenor bsögn cun vusch consultativa.

Il president maina las radunanzas, las sezzüdas e tuot las activitats da la società. El rapreschainta la società vers l'extern. Il president survaglia la lavur dals ulteriurs commembers da la suprastanza e segna cun suottascripsiun impegnativa, pro fatschendas importants (p .ex. petiziuns ad instanzas) insembel cul actuar o chaschier. El fa ün rapport annual a man da la radunanza generala sur da l'andamaint da la società.

L'actuar e vicepresidente maina il prorocol da tuot las sezzüdas da la suprastanza e da las radunanzas da la società. Commembers novs sun da manzunar. Sün pretaisa dal president ha'l da sustegner a quel in manand la correspundenza. Scha'l president es absaint ha el da til rimplazzar.

Il chaschier maina il affars finansials da la società. El es oblià da l'inschaschar las contribuziuns e da manar üna glista da commembers. El sto inoltar quella minch'on al chaschier central. Implü sto il chaschier annunzchar separadamaing al chaschier central tuot las mutaziuns ed adressas. El fa ün quint rendaquint chi cumpiglia: il gir annual, il quint da la chascha da chüra e la glista d'inventar. Il chaschier es persunalmaing respunsabel invers la società.

Il chef da'l implant ha da pisserar pel mantegnament da'l implant da tir sco eir da tgnair in salv il material avantman. El fa ün'inventar ed üna glista d'inventar a man dal chaschier. Il chef da'l implant sto surtour l'organisaziun dal tir da chatscha.

Il chef da punctaziun es respunsabel per üna güsta ed exacta taxaziun da las trofeas. El es respunsabel per l'organisaziun dal di da famiglia insembel cul delegà. El sustegna ils commembers da la suprastanza e sto eir surtour lavurs tenor bsögn.

Il chef da chüra fa eir part a las sezzüdas. El sto accumplicar seis obligs tenor il reglamaint da chüra. Il delegà fa part a las sezzüdas. El sto far part a la delegiada dal BKPJV. El sto sustagnar la suprastanza pro lavurs tenor bsögn (organisaziun di da famiglia).

Ils revisurs da quint han da reveder il quint minch'on. Els dan giò ün rapport in scrit e fan lur propostas a la suprastanza a man da la radunanza generala.

## **V. Tschernas e decisziuns**

### **Artichel 12**

Da principi vegnan tuot las tschernas fattas in maniera averta. Sün proposta po gnir vuschà tras scrutin sch'ün tschinchaval dals preschaints giavüscha quai. Pro'l prüm scrutin decida la majorità absoluta, la seguonda jada la majorità relativa. Pro parità da vuschs decida la vusch dal president. Pro decisziuns vala la majorità relativa. Pro parità da vuschs vala la decisziun dal president.

## **VI. Finanzas**

### **Artichel 13**

Las entradas da la società as mettan insembel sco segua : Contribuziuns dals commembers, praistaziuns da la società, il fit da la facultà, donaziuns, contribuziuns chantunalas per la chüra sco eir eventualas taxas.

### **Artichel 14**

La radunanza generala relascha ün regulativ d'indemnisaziun e da spaisas quel vegn adattà a la situaziun actuala quel vegn decis da la suprestanza. In quel vegnan fixadas las expensas da la società TURETTAS. Quist po gnir adattà tenor bsögn.

## **Artichel 15**

Per impegn da la società sta bun be la facultà da la società. Commembers chi sortan nun han ingün dret da pretaisas vi da la facultà da la società.

## **Artichel 16**

L'implant es in posses da la società cun ün contrat da fabrica per 50 ons cul cumün da la Val Müstair, e po gnir dovrà be per quel scopo.

## **VII. Prescriziuns finalas**

### **Artichel 17**

Müdaziuns vi da quists statuts ston esser tractandadas. Per üna müdada dals statuts as dovra l'approvaziun da 2/3 dals commembers preschaints.

### **Artichel 18**

Scha la società TURETTAS as vess da's schoglier schi sto gnir surdat il cudesch da protocols e da cassa cul rendaquint final, controllà dals revisuors a la suprastanza centrala BKPJV. Quella tegna in salv la facultà (tenort art. BKPJV) fin chi's ha fundà in Val Müstair üna nouva società cun listessa mera ed intenziun.

### **Artichel 19**

Quists statuts stipulats in lingua rumantscha han validità legala. Els aintran in vigur davo esser gnüts acceptats da la radunanza extraordinaria dals 07. november 2014 a Müstair e davo esser gnüts approvats da la suprastanza centrala dal BKPJV. Tras quists statuts perdan ils oters statuts e tuottas prescripziuns lur valor.

Per la società da chatschaders TURETTAS, secziun dal BKPJV segnan in Val Müstair als

Il president

l'actuar

Robert Rietmann

Armon Feuerstein

Acconsenti da la suprastanza chantunala BKPJV

Il president

l'actuar

Robert Brunold